

استبصار

نومرو ۲۵

❧ پخشیه ❧

۵ مارت ۱۳۲۴

اجمال خارجی

بو هفته دخی بتون عالم سیاست هپ صربستان ایشارلیه مشغول اولدی . روسیه نك تشبث معلومه جواباً صربستان طرفدن كرك روسیه و كرك دول معظمه سائریه كوندربان نوطه صلح و مسالمتك صریه جهتندن معروض بولندی تهیدانندن دخی آزاده قاله جنی امیدلرینی اوایندرمش ایدی . حالبوكه اوستریانك بلغراد سفیری قونت فورغاچ طرفدن شفاهاً وقوعبولان بلیغانه و صرب نوطه سنك بعض نقاطنه دائر ایدی لان استیضاحاته مقابله صرب حكومتی طرفدن قلمه آلان ایکنجی بر نوطه بو امیدلری شمعی بسبتون ازاله ایتش بولونیور . بو نوطه نك مندرجاتی بوجه آیدر :

« صربستان حكومتی شهر حاك اونجی كونی اوستریا حكومتی ايله دول معظمه به تبلیغ ایتدیکی بیاننامه ده بوسنه هر سك مسئله سی حقنده کی نظریه سی ایضاح ایلد كدن صكره اوستریا ايله مناسبات مشروعه سنك اصلا دوچار تغیر اولمديغنه امین بولنه رقی حكومت مذكوره ايله اساس متقابل اوزرینه قومشوق وظائفی ایضا ایتك و منافع مادیة متقابله به موافق مناسبات بسلمك املنده اولدیغی درمیان ایلمشدر . الیوم حكومت مذكوره طرفین بیننده منعقد تجارت مقاوله نامه سنك اوستریا مجارستان مبعوثان مجلسلرنده موقع تذکره وضعی بو منافع مادیه به موافق كورمكده در . اكر بو تجارت مقاوله نامه سی مذکور مبعوثان مجلسلرنجه قبول اولنورسه مناسبات تجاریة منعقد نك انقطاعه محل قالمیه جقدر . عكس تقدیرده ایسه یاییكیدن مذاكراته ابتدار ایچون لازم كلن اساسلر احضار اولنه حق و یاخود آرتق صربستان ايله اوستریا آره سنده تجارت مقاوله نامه سی عقدی فكرندن صرف نظر ایدیله جكدر . مع هذا اوستریا حكومتی تجارت مقاوله نامه سی مذاكراتی بر حسن نیت اقتراان ایتدیر . مزسه صربستان حكومتی مذکور مقاوله نامه یی موقتاً ۱۹۰۹ سنه سی كانون اولك ختامه قدر تمیدده آماده در . »

صربستانك ایلك نوطه سی اوروپاچه نه درجه مظهر تقدیر اولدی ایسه ایکنجی سی ده اونسبتده هدف تنقیدات اولمشدر . صربستان ، تمایلات حسنه

همجوار یسنى بودفیه دخی تأیید ایتمکه برابر اوستریاچه مطلوب اولان ایضا حاکم
هیچ بریسنه یناشعدینی و تجارت معااهده نامه سینه عائد فقر آتده عادتاً اوستریاچه قارشو
مساعداکارانه طاورانغه آماده بولندیفی بوللو تعبیرات قوللاندینی جهته صربستانک
بوحرکتی عمومیتله بادی استغراب و اعتراض اولمشدر . صربستانک عینی زمانده
تسلیمات و تجهیزاته کرمی نام ویرمسی ده بشقهجه موجب نخطه اولمقده در .
لوندرو و برلیندن کان الک صوک خبرلر بوصول نوطه دن متولد عدم خشنودی
عمومی بی پک واضح بر صورتده کوستریورلر . معلومات واردیه کوره فرق
مختلفه به منسوب انکلز غزته لری ایوم حال و موقعی بدینانه بر صورتده تلقی
ایتمکه و صربستان حکومتی ده ائتلاخویانه بر خط حرکت تعقیب
و افراد احتیاطیه بی ترخیص ایتدیکی تقدیرده محاربه نك ضروری الوقوع
اوله جنی فکرینی درمیان ایلمکده در . مع هذا انکلز غزته لری میاننده
صربستانی التزام ایدن جرائد معتبره دخی اکسک دکادر . بونلردن بعضیلری
صربستان لهنده یازدقلری مقالات شدیدیه دخی کاکان اوستریا و مجارستان
حکومتی تنقید ایدوب حکومت مذکوره نك صربستاندن الک کوچک بر حکومتک
بیله خبیثه یاقشدرمه به جنی بر حرکت مذلکارانه بکلدیکنی ، اوستریانک
صربستانه قارشو وخیم اولدینی قدردن دناکارانه برضربه اورمق ایستدیکنی
بیان ایدیورلر .

المان مطبوعاتی ایسه بالمطبع یالکز اوستریاچه طرفدار کورونیور، صربستانک
طور و حرکت تهدیدکارانه سی روسیه نك بلغرادده درجه کفایه ده اجرای نفوذ
ایده مدیکنی کوستردیکندن صلح و مسالمتک امر محافظه سی روسیه نك حکم نفوذینه
معلق بولندیغنی ، و اختلاف جدی تحدت ایتدیکی تقدیرده المانیسا حکومتک
منافی اقتضاسنده اوله رق اوستریا ایله برابر اوله جغنی اولدقچه درشت برلسان ایله
اکلاتیورلر .

الحاصل صرب و اوستریا اختلافی بش آیدنبرو سوروکلنوب کتدیکی حالده
هنوز ائتلافه یوز طوتمامش ، بلکه اسکینندن زیاده وخامت کسب ایتمشدر .

ویانه دن دون کیجه کلن بر تلغرافنامه مفادی طوغری ایسه بو وخامت احتمالکه ظن ایتدیگمز مرتبه بی ده کچمشد. مذکور تلغرافنامه کوره ایمراطور فرانسوا ژوزفک ریاستی آلتیده انعقادیدن مجلس وکلاده بوسنه وهرسکده کی قول اردولرک همان سفر بر حاله وضعی ایچون اوامر لازمه اعطاسنه قرار ویرلشدر . اوستریا حکومتی صربستانه قارشو بووجهله اظهار شده حاضرلنقده ایکن روسیه حکومتی هنوز قطعی بر خط حرکت تعیین ایده مامشدر . روسیه ده حکومت ایله افکار عمومیه بو خصوصده متفق الرأی دکلدر . حکومت صربستانی اختیار حضور و سگونه دعوت ایدبور ، امالی ایسه صربستانک تزیید غیرت و جبارتنه بادی اوله جق صورتده اظهار مخالفت ایدبور ، حتی دوما مجلسی ریسی موسیو ژومیاقوف صربستانه مظاهرات ایدلمسی متضمن بر بیاننامه به بالذات وضع امضا ایلمش ایش . روسیه دن صربستانه کیتک اوزره فوج فوج کواکلور یازلدینی ده نظر دفته آنور ایسه صرب و آوستریا اختلافک سورونجمده قلمسی یوزندن نه نتیجه لر حاصل اوله جغنی کسدرمک بسپتون کسب عسرت ایدر .

خصوصا که بلغارستانک صریبه حقنده اظهارینه باشلادینی مآثر اخلاص و محاذنت دخی کوندن کونه تأید ایدییور ، مقدما یالکز مقارنت اقتصادیه دن ، کمرک اتحادندن بحث اولونیور ایکن شمعی صربستان ، بلغارستان وقره طاغ قوای عسکریه سنک آوستریا اردولرینه قارشو توحیدی احتماله دأر برطاقم روایتلر چیقیور .

بوکی روایات پک مهلک برماهیتی حاز اولملریله بالطبع پک زیاده احتیاطایله تلقی ایدملری تأیید سختلرینه قطعاًمدار اوله جق اماراته انتظار اولنسی ضروری ایسه ده افکار عمومیه نک نه مرکرده بولندینی کلاشلمق اوزره ذکرندن کچمده . صربستانک یکی بازار سنجانغی حقنده بعض نیات تجاوزکارانه بسلدیکی حقنده دخی برطاقم روایتلر اشاعه قلنمش ایسه ده درسعادت سفیری واسطه سیله باب عالی به ویریلن تأمینات روایات مذکوره نک بطلاقی اثبات ایله برابر حاصل ایلدکری سوء تأثیراتی ده ازاله ایتمشدر . روش حاله کوره صربستانه بوکی

نیات حضمانه اسنادندن مقصد سلانیک طریقله اجرا ایدلمسینه مساعده اولنان
تقلیات حربیه بی سکنه یه اوغراتمق ایدی ! بومقصد بر آرهلوق قوه قریبه یه کلش
ایدیسه ده بالاخره بابعالی تقلیاته تکرار مساعده ایلمشدر . بومساعده نك موافق
اولوب اولمدیغنی زمان کوستره جکدر !

خارجیه ناظری رفعت پاشا حاضر تلرینک پترسبورغ سیاحتنک نتایجنی بالالتزام الک صوکه
براقدم که باری خاتمه ده اندیشه دن غیری بر تاثیر حاصل ایده جک بر خبر ویرمش
اوله لم : رفعت پاشانک موسیو ایزوولسکی ابله اجرا ایتدیکی مذاکراتدن اینی کوتو
بر نتیجه حاصل اولمش ، هرایکی ناظر پیدای ائتلاف ایده بیلمشدر . روسیه یه
تضمینات حربیه یوزندن موجود بورجمنک کاملا اغناسنه موفقیت الویرماسی
کرچه شایان تأسف ایه ده شمیدیکی حالده بزم ایچون الک بیوک کار غوائل خارجیه -
دن وارسته قالوبده امور داخلیه مزى تنظیمه وقت بوله مزدر . بوکا موفق
اولورسه ق او بر جهتدن اوغرا دیغمز زیان مفروضی قات قات تلافی ایتش
اولورز . فقط امور داخلیه مزى تنظیم کرک !

محمد صالح

